

ليلة فرح

نسينا البحر والموجة

وتاهت نسمته فينا

ما بين النظرة والكلمة

وحلم بتحملة عينينا

مع النجمة اللي سهرانة

تنور لنا ليالينا

مع صوت "ثومه" بتغني

(نسيت الليل وأحلامه)

وقلبي بعشقه متهني

(في سيرة الحب)

وأيامه...

يا رقصة موجة عطشانة
لريحة الشطّ وقلوبنا
يا جايبة النسمة هيمنة
مع الفرح اللي دؤبنا
يتوه العقل في الإحساس
ونبض القلب مش قادر
على الأشواق...
بدقة يسبق الأنفاس
كأنه بيحكي للعشاق.. حكايتنا
وثومه لسه بتغني
في ليلة حب
وانا ما قدرت على وصفه
حنين الليل
وعطر اللففة

لما بيعطّر دروب القلب

ونتبسّم مع الآهة

عُنا ومواويل

ونسَمع ثومه بتغني

(العمر بستانه طرح

بين الهنا وبين الفرح)

بتضحك لينا دنيتنا

مع الموجة وصوت البحر

ف وقت ما بيقلد عُنا ثومه

ويسألنا: هو العمر ثواني ولا سنين؟!

ومش حاسين...

غير ان هوانا ضيّه بدر

بيهدي فرحة مقسومة

على قلبين